

Թ Ի Ի 15

ՊԱՇՏՈՆԱԿԱՆ ՀՐԱՏԱՐԱԿՈՒԹԻՒՆ
ԱԶԳԱՅԻՆ ՊԱՏՐԻԱՐՔԱՐԱՆԻ

ԱՏԵՆԱԳՐՈՒԹԻՒՆՔ

ԱԶԳԱՅԻՆ ԺՈՂՈՎՈՅ

ՎԵՐԱԲԱՑՈՒՄ 1913-14 ՇՐՋԱՆԻ

ԵՐԵՎԱՆԻ ՊԱՇՏՈՆԱԿԱՆ ՎԵՐԱԿԱԶՄՈՒԹԵՆԷՆ ԵՏՔԸ

ՆԻՍՏ ԺԵ.

20 Մայիսի 1913



Տպագրութիւն Տ. ՅՕՂՐԱՄԱՃԱՆ

Կ. ՊՈԼԻՍ, Պապր-Ալի Հատուհի, Թիւ. 49

1914

ԱԶԳԱՅԻՆ ԵՐԵՍՓՈԽԱՆՔ

ԿԵԴՐՈՆԱԿԱՆ ԵՐԵՍՓՈԽԱՆՔ

ԵԿԵՂԵՑԱԿԱՆՔ

(Ա. Վիճակ)

1. Տ. Եղիշէ Արքեպս. Դուրեան
2. Տ. Վահրամ » Մանկունի
3. Տ. Զարմայր քհնյ. Կէզիւրեան
- 4.

(Բ. Վիճակ)

5. Տ. Մաղաքիա Արքեպս. Օրմանեան
6. Տ. Գրիգորիս Ծ. Վ. Պալազեան
7. Տ. Երուանդ Ծ. Վ. Բէրտաճեան
8. Տ. Սմբատ Ծ. Վ. Գաղազեան

(Գ. Վիճակ)

9. Տ. Շմայեակ Արքեպս. Դիմաքսեան
10. Տ. Մաղաքիա Եպիսկ. Տէրունեան
11. Անանիա Վ. Շաղարապետեան
12. Տ. Միքայէլ քհնյ. Աշնեան

(Դ. Վիճակ)

13. Տ. Արիստակէս Ա. քհնյ. Զիզմէնեան
14. Տ. Խորէն » Յարութիւնեան
15. Տ. Յուսիկ » Քաջունի
16. Տ. Տաճատ » Փաշայեան

(Ե. Վիճակ)

17. Տ. Եղնիկ Ծ. Վ. Պապեան
18. Տ. Շմայեակ քահ. Էքեքեան
19. Տ. Բարթող » Թաղմէան
20. Տ. Աբէլ » Երէցեան

ԱՇԽԱՏԱԿԱՆՔ

(Ա. Վիճակ)

Էյուպ Ս. Եղիա

21. Օննիկ էֆ. Մինասեան

Խապարիւղ

22. Պետրոս էֆէնտի Շալաճեան
23. Պետրոս » Խօրասանեան
- 24.

Մագրիգիւղ

25. Երուանդ էֆէնտի Պէյազեան
26. Թաղուր » Արեւեան
27. Տօքթ. » Մալխասեան
28. Յակոբ » Պօյաճեան
29. Յովհաննէս » Իսապուրեան
30. Սարգիս » Պէյրէկեան
- 31.

Պէյօյիւքտէրէ

32. Արշակ էֆէնտի Ալպոյանեան
33. Յովսէփ » Գաղազեան

Սան-Սթէֆանօ

34. Գէորգ էֆ. Ասլանեան

Օրթագիւղ

35. Խսչիկ էֆէնտի Սըվանեան
36. Տալ. Ստեփան էֆէնտի Թէրզեան

(Բ. Վիճակ)

Բերա-Գասը Էփաշա

37. Աստուածատուր էֆէնտի Էաշատեան
38. Արամ » Շալաճեան
39. Արմենակ » Բալսեղեան
40. Գէորգ » Թորգման
41. Գիգոր » Շահլաբեան
42. Յովհաննէս » Չէօկիւրեան
43. Սարգիս » Մինասեան
44. Տր. Վ. » Թորգոմեան
45. Յովսէփ » Գարաբեան

Գարմալ-Գնալը

- 46.

Գուրուշէշմէ

- 47.

Պէշիկմաշ

48. Տրդատ Պէյ Տատեան

Ֆէրիգիւղ

49. Եղուարդ էֆէնտի Գարակէօղեան
50. Հրանտ » Ասատուր
51. Մարկոս » Նաթանեան
52. Յակոբ » Պահրի

(Գ. Վիճակ)

Գատրգիւղ

53. Անտոն էֆէնտի Թալազ
54. Աղասի » Ալասեան
55. Եղուարդ » Շիրինեան
56. Ներոէս » Օհանեան
57. Մկրտիչ » Աբգարեան
58. Պենէ » Թորոսեան
59. Սարգիս » Էսմէրեան

Եէնի-գարու

60. Պենոն էֆէնտի Տէյրմէնեան
61. Վահան » Փափազեան

Պալաթ

62. Տօքթ. Կարապետ էֆէնտի Եղուպեան
63. Յարութիւն էֆ. Մոստիլեան
64. Սարգիս » Սրենց
65. Հրանտ » Անդրէասեան

Սկիւտար Եէնի-մախալէ

66. Թորգոմ էֆէնտի Պօյաճեան
67. Շմայեակ » Խոսրովեան
68. Վահան » Սուրենեան

ԱԶԳԱՅԻՆ ԸՆԴՀ. ԺՈՂՈՎ

ԲԱՑՈՒՄ 1913—1914 ՆՍՏԱՇՐՋԱՆԻ

ՆԻՍՏ ԺԵ.

20 ՍԵՊՏԵՄԲԵՐ 1913

ՆԱԽԱԳԱՀ.—ՊԱՏՐ. ՏԵՂԱՊԱՀ Տ. ԳԱԲՐԷԼ ՍՐԲԱԶԱՆ

ԱՏԵՆԱՊԵՏ.—ՏՐ. ՏԱՂԱԽԱՐԵԱՆ ԷՖԷՆՏԻ

ՕՐԱԿԱՐԳ


- 1.—Ընտրութիւն Քաղ. ժողովոյ երկու անդամոց:
- 2.—Քննութիւն հիմնական նախագծի կանոնագրի երուսաղէմի Ս. Յակոբեանց վանուց. (Շարունակութիւն վիճաբանութեան):
- 3.—Տեղեկագիր Ասեմապետաց Դիւանի ի մասին քրահայոց կողմէ Ամենայն Հայոց Հայրապետին մատուցանելի գրին:
- 4.—Հարցապնդում ի մասին Գաբամանեան Էֆէնտիի սպանութեան:
- 5.—Տեղեկագիր խորհրդարանական Յանձնաժողովոյ ի մասին հանգուցեալ Երեցեան Սրբազանի ամբաստանութեանց:

ԲԱՑՈՒՄ ԺՈՂՈՎՈՅ

Նիստը տեղի ունեցաւ Ղալաթիոյ Խորհրդարանը եւ ժամը Յին առեանը բացուեցաւ Կոնստանդնուպոլիսի 50 երեսփոխաններու, որոնց թիւը յետոյ յանգեցաւ 65ի:

ԲԱՑԱԿԱՑՈՒԹԻՒՆ ԵՐԵՍՓՈԽԱՆԱՅ

ԱՏԵՆԱՊԵՏ էՖ.— Այսօրուան նիստէն ճամբորդութեամբ, հիւանդութեամբ եւ անձնական կարեւոր գործերու պատճառներով իրենց բացակայութիւնը հաղորդած են Տ. Միքայէլ քհնյ. Աշնեան, Տօքթ. Թորգոմեան, Տօքթ. Եղուպեան, Ե. Շիրին-



Կան, Յ. Գաղաղեան, Պ. Հալաճեան, Պ. Խորասանճեան եւ Տ. Նազաչեան էֆէնտի- ները, կ'արձանագրենք զիրենք օրինաւոր բացակայ:

ՀՐԱԺԱՐԱՆ ԵՐԵՎԱՆԻ ՈՒԹԵՆԷՆԷ

ԱՏԵՆԱՊԵՏ ԷՖ.— Մեր պաշտօնակից- ներէն Սմբատ Քեաթիպեան էֆ. անձնա- կան գործոց պատճառաւ եւ Գէորգ էֆ. Մեծատուրեան գաւառի մէջ պաշտօնի կոչուած ըլլալով՝ հրաժարած են երեսփո- խանութենէ, աւասիկ իրենց հրաժարա- կանները:

(Ատենադպիր էֆ. կարդաց հետեւեալ հրաժարագիրները).

Գեր. Գաբրիէլ եպս. Ճէվահիրճեան, Պատր. Տեղապահ եւ նախագահ:

Ազգային ընդհանուր ժողովոյ

Սրբազան Հայր,

Անձնական զբաղմանցս պատճառաւ չի կարենալով կառարել Երեսփոխանի պար- տականութեններս, հրաժարելու հարկադ- րուած եմ. ուստի կը խնդրեմ հաճիք ներ- կայ հրաժարականս ուղղել Ազգային Ժո- ղովոյ Դիւանին՝ մատուցուելու համար սոյն ժողովոյ:

Ամենախորին յարգանքը

Ս. Մ. Քեաթիպեան

Վսեմաշուք

Տօքթ. Ն. էֆ. Տաղաւարեան

Պատ. Ատենապետ Ազգ. Երեսփ. Ժողովոյ

Վսեմ. Տէր,

Կարնոյ Կուսակալութեան Դատական քննիչի պաշտօնին ընտրուած եւ այս օրերս մեկնելու պարտաւորուած ըլլալով, ներ- կայիւս կուգամ իմ հրաժարականս մատու- ցանել Տիվրիկի Ազգ. Երեսփոխանութենէ, եւ խնդրել՝ որ նոր ընտրութեան համար հարկ եղած հրահանգը տալու բարեհաճու- թիւնը ունենաք:

Մնամ յարգանքը

Հրաժարեալ Երեսփոխան Տիվրիկի

Գ. Մեծասուրեան

(Ատենապետ էֆ. սոյն հրաժարականն է- րը առանձին առանձին քուէի զննելով մե- ծամասնութեամբ ընդունուեցան):

ՀԱՐՑՈՒՄ ԵՐԵՎԱՆԻ ՈՒԹԵՆԷՆԷ

Ա.

ԱՏԵՆԱՊԵՏ ԷՖ.— Ճանկրելեան էֆ. հարցում մը ունի ձեր նկատողութեան կը յանձնեմ:

(Ատենադպիր էֆ. կարդաց հետեւեալ գիրը).

Ազնուաշուք

Ատենապետ էֆ. Ազգ. Երեսփ. Ժողովի

Ազնուաշուք Տէր

Ասկէց երկու ամիս առաջ Վանայ գա- ւառական Ժողովի Ատենապետի մասին հարցում մը ըրած էի. Ժողովը որոշեց ղրկել Վարչութեան:

Վարչութիւնը մինչեւ օրս այս մասին որ և իցէ պատասխան մը չտուաւ, ինչու:

Ազգ. Երեսփոխան

Յ. Կ. Ճանկրելեան

Ս. ԳԱՐԱՆԱՆ ԷՖ.— Այդ խնդիրը քնն- նութեան ներքեւ ըլլալով՝ արդիւնքը պիտի հաղորդենք ժողովիդ:

Յ. ՃԱՆԿՐԷԼԵԱՆ ԷՖ.— Խնդիրը հոս կը քննուի՝ թէ տեղւոյն վրայ:

ՏՕՔԹ. Ս. ԹԵՐԶԵԱՆ ԷՖ.— Խնդրոյն քննութիւնը մեր նախաքննիչ գիւանին յանձնուած է, որուն տեղեկագրութեան համեմատ արդիւնքը պիտի բերուի ժողո- վիդ:

ԱՏԵՆԱՊԵՏ ԷՖ.— Ո՞րչափ ատենէն պիտի գայ:

Ս. ԳԱՐԱՆԱՆ ԷՖ.— Երկու երեք շա- բաթէն:

Բ.

ԱՏԵՆԱՊԵՏ ԷՖ.— Մեր պաշտօնակից- ներէն Ջաքարեան էֆ. ալ գիր մը ունի, այն ալ ձեր ուշադրութեան կը յանձնեմ:

(Ատենադպիր էֆ. կարդաց հետեւեալ գիրը).

Ազգ. Ժողովի Մայր Դիւանին

Կուգամ Պատկ. Ազգ. Կեդր. Վարչու- թիւնէն հարցնել թէ՝ օրինական ի՞նչ հիմն- քով վրայ յենլով Սեբաստիոյ եւ Արար- կիբի առաջնորդներու գաւառ, Ժողովներու

կողմէ ընդունուած հրաժարագիրներու հա- կառակ հրահանգ տուած է որ նոյն Առաջ- նորդները իրենց պաշտօնը շարունակեն իբր Առաջնորդ:

Ազգ. Երեսփոխան

Ն. Մ. Զախարեան

Ս. ԹԵՐԶԵԱՆ ԷՖ.— Յանուն Վարչու- թիւն կուգամ պատասխանել այս հարց- ման թէ՝ յիշուած Առաջնորդներու հրա- ժարականի բուն պատճառները Վարչու- թիւն անձանց իր կը մնան, եւ ընականա- բար, մինչեւ որ Վարչութիւնը չտեղեկա- նար թէ ի՞նչ են այդ հրաժարականներուն տեղի տուող պատճառները, չէր կրնար առաջնորդական նոր ընտրութեան հրա- հանգ տալ, եւ միւս կողմէ, որպէս զի վի- ճակային գործերը երեսի վրայ չմնան, յանձնարարեց որ մինչեւ մանրամասնու- թեանց հաղորդուիլը եւ հրաժարականնե- րուն կեդրոնին կողմէ ընդունուիլը, շա- րունակեն իրենց պաշտօնը: Իսկ Սեբաս- տիոյ Առաջնորդին հրաժարականին տեղի տուող պատճառներուն համար՝ բացատրու- թիւն պահանջեցին Սեբաստիոյ Գաւառ. վարչութիւնէն, մինչեւ ամիս մը կը պա- տասխանենք ժողովիդ:

Ն. ԶԱԽԱՐԵԱՆ ԷՖ.— Վարչութեան կողմէ տրուած բացատրութիւնը չեմ կրնար գոհացուցիչ նկատել: Հրաժարած եւ հրաժարականը ընդունուած Առաջնորդ մը չկրնար իր պաշտօնը շարունակել. հե- տեւաբար, Վարչութեան կողմէ տրուած հրահանգը ոչ միայն օրինական չէ, այլ եւ նպատակայարմար ալ չէ, որովհետեւ այդ Առաջնորդներու պաշտօնին շարունակու- թիւնը երկպառակութեան դուռ պիտի բանայ եւ պիտի ստեղծէ պատասխանա- տուութիւններ, որոնք չեմ կարծեր թէ Վարչութիւնը ընդունի:

ՏՕՔԹ. Ս. ԹԵՐԶԵԱՆ ԷՖ.— Սեբաս- տիոյ Առաջնորդին հրաժարականը չունինք մեր սեղանին վրայ. հետեւաբար, պէտք է տեղեկագիրներուն սպասենք: Վարչու- թիւնը հեռագիր մը միայն ստացած է Առաջնորդին հրաժարականի մասին, եւ

պէտք զգացած է քննելու թէ ինչ պատ- հառներէ ծագում առած է այն, միւս կողմէ, վիճակային գործերը կարելի չըլ- լալով թողուլ երեսի վրայ, հրահանգ տրուեցաւ Առաջնորդին որ շարունակէ իր պաշտօնը, եւ Գաւառ. Ժողովէն տեղեկու- թիւն ուղարկուաւ:

Գ. ԶՕՀՐԱՊ ԷՖ.— Չենք կրնար ժա- մավաճառ ըլլալ այսպիսի խնդիրներով:

ԳԵՂԱՄ ՏԷՐ-ԿԱՐԱՊԵՏԵԱՆ ԷՖ.— Ես կրնամ քիչ մը աւելի բացատրութիւն տալ:

ԱՏԵՆԱՊԵՏ ԷՖ.— Հարկ չկայ այլեւս խնդիրը երկարելու, քանի որ Վարչու- թեան անդամները կ'ըսեն թէ իրենց առած տեղեկութիւնը պիտի հաղորդեն Ժողովիս՝ այսօր այդ մասին ըսուելիքները մասնաւոր լուսաբանութիւն մը չեն կրնար տալ մեզի, ուրեմն կը սպասենք մանրա- մասնութեանց:

Տ. ԵԶԵԿ Ծ. ՎՐԴ. ՊԱՊՍԵԱՆ.— Բիչ առաջ երկու Երեսփոխաններու հը- րաժարականները ընդունուեցան, կառա- ջարկեմ որ հրահանգ տրուի անոնց տեղ անմիջապէս նորեր ընտրելու, ասկէ զատ Չեր ուշադրութեան կը ներկայացնեմ տա- րի մ'առաջ Երեսփոխան ընտրուած Տ. Անանիա վրդի. խնդիրը, որ երեսփ. Ժո- ղովիդ որոշմամբ նախաձեռնութեան դի- ւանին յանձնուած է, այդ մասին ո եւ է կարգադրութիւն եղած չըլլալով՝ յիշեալ Վարդապետն ալ իր երեսփոխանական ի- րաւունքէն ղրկուած է, այս կէտերը Ժո- ղովիդ ուշադրութեան կը յանձնեմ, որ- պէսզի պակասեալ անդամներուն տեղ նո- րերը կարողանանք ունենալ:

Վ. ՍԵՐԷՆԿԻԻԼԵԱՆ ԷՖ.— Քանի որ Երեսփոխանաց թիւը ամբողջացնելու վրայ կը խօսուի, ես ուղղակի կամբաստանեմ Դիւանը, որ հակառակ Բերայի երեսփո- խաններու ընտրութեան տեղեկագիրը ստացած ըլլալուն՝ Ժողովին չ'ներկայացնէր:

ԱՏԵՆԱՊԵՏ ԷՖ.— Դիւանը ամբաս- տանելու մասին Չեր ըրած յայտարարու-

Թիւնը կը մերժեմ. Դիւանին վրայ Բերայի ընտրութեան մասին ո եւ է տեղեկագիր չկայ:

Ա. ԳԱՍՊԱՐԵԱՆ ԷՖ.— Բաղ. Ժողովը իր տեղեկագիրը պատրաստած եւ Ազգ. Ժողովին յղած է:

ԱՏԵՆԱՊԵՏ ԷՖ.— Այդ գիրը Բաղ. Ժողովի Դիւանին մէջ փնտռեցէք. այս տեղ եկած ո եւ է գիր Ժողովին կը ներկայացուի, մանաւանդ երբ խնդիրը կը պատկանի, երեսփոխանական վաւերացման որ Ժողովին կազմը ամբողջացնելու խնդիր է:

(Այս միջոցին Բաղ. Ժողովոյ Դիւանին կողմէ կատարուած քննութեամբ հասկըցուեցաւ որ այդ տեղեկագիրը ձեւակերպութիւնները լրացնելու համար. Բաղ. Ժողովոյ քարտուղարութեան քով մնացած է, հետեւաբար այդ պահուն Ժողովին բերուելով Ատենապետ ԷՖ. կարգաց զայն):

Վսեմաշուք Ատենապետ ԷՖէնտի

Ազգ. Երեսփ. Ընդհանուր Ժողովոյ

Մայրաքաղաքի Բերա-Գասըմ Փաշա միացեալ Թաղերէն Բ. վիճակաւ դադարեալ ինն երեսփոխաններու տեղ՝ ըստ հրահանգի Պատրիարքարանիս, նոր ընտրութիւն կատարուած եւ Սեպտ. 3 Թուականաւ տեղեկագրով ներկայացուած է արդիւնքը, յորմէ կը տեսնուի թէ՛ քուէից բացարձակ առաւելութեամբ ազգային երեսփոխան ընտրուած են.

1. Ազն. Սրամ ԷՖ. Հալաճեան
2. » Աստուածատուր ԷՖ. Խաչատրեան
3. » Արմենակ ԷՖ. Բարսեղեան
4. » Գէորգ ԷՖ. Թորգոմեան
5. » Գրիգոր ԷՖ. Շահլամեան
6. » Յովհաննէս ԷՖ. Չէօկիւրեան
7. Վսեմ. Ստեփան ԷՖ. Գարսեան
8. Ազն. Սարգիս ԷՖ. Մինասեան
9. » Տօքթ. Վահրամ ԷՖ. Թորգոմեան

Նոյնպէս, Գատըգիւղի Թաղէն պակասեալ երկու երեսփոխաններու տեղ՝ ըստ հրահանգի, նոր ընտրութիւն կատարուած

եւ Օգոստոս 7 Թուականաւ մատուցուած է տեղեկագիրը, յորմէ կը տեսնուի թէ՛ քուէից բացարձակ առաւելութեամբ ազգ. երեսփոխան ընտրուած են.

1. Ազն. Տօքթ. Մկրտիչ ԷՖ. Արգարեան
2. » » Պէնիէ » Թորոսեան

Եւ թէպէտ այս ընտրութեանց առթիւ թէ՛ Բերայի եւ թէ՛ Գատըգիւղի բնակիչներէն ոմանց կողմէ բողոքներ եղան ընտրական գործողութեանց օրինաւորութեան դէմ, այլ սակայն Բաղաքական Ժողովս նկատողութեան առնելով այդ բողոքներն՝ հաստատեց թէ անոնք չեն կրեր որ եւ է օրինական պատճառ բեկանելու կատարուած ընտրութիւններն. Հետեւաբար, Բաղաքական Ժողովս Սահմանադրութեան 81րդ յօդուածին տրամադրութեան համաձայն ստուգելով կատարուած ընտրութեանց օրինաւորութիւնն եւ նորընտիր երեսփոխաններու ընտրելութեան պայմաններն, կը փութայ ընդ գրոյս Պատկառելի Ժողովիդ մատուցանել ընտրական տեղեկագրերը:

Մնամք յարգանք

Ի դիմաց Բաղաքական Ժողովոյ

Ատենապետի Վ. Ատենապետի

Ա. Յ. Գասպարեան Տ. Ներսիսեան

Հ. ԽՕՃԱՍԱՐԵԱՆ ԷՖ.— Խօսելիքս ընտրուած երեսփոխաններու չվերաբերիր, այլ Վարչութեան ընդունած այն դրութեան որուն համեմատ, ընտրութեան դէմ եղած բողոք մը, կը ղրկուի ընտրողական Ժողովին եւ անկէ ստացուած պատասխանը բաւական կը համարուի Ասիկա, կը յիշեցնէ ինծի, կառավարական այն դրութիւնը, որուն համեմատ երբ բողոք մը ըլլայ կուսակալի մը կամ կառավարիչի մը դէմ, բացատրութիւն կը պահանջէ անկէ որուն դէմ եղած է այս բողոքը, եւ անոր տուած պատասխանին համաձայն՝ կը հերքէ բողոքին չարմառիթը. ըստ իս, պէտք է, Բաղ. Ժողովը բողոքները իւրացնելով՝ ինք դատաւոր կանգնի, լսելով երկու կողմն ալ, եւ քննելով թէ բողոքները օրինաւոր են թէ չէ:

Ա. ԳԱՍՊԱՐԵԱՆ ԷՖ.— Ընտրական գործողութեան մը առթիւ, նախ պէտք է այլ լսելու ընտրող մարմինը: Բաղ. Ժողովը անոր տուած բացատրութիւնները կը քննէ եւ երբ բաւարար չգտնէ, այն առնելով կը ղրկէ, Թողունք որ Բերայի ընտրութեան միջոցին, Վարչութեան պատուիրակը ներկայ էր, ուր ստորագրած է ընտրական տեղեկագիրը, բողոքներ եւ զան, բացատրութիւն ուղեցինք, եւ տեսնեալ որ անոնք օրինական հիմ չունին, ընդհանուր կերպով՝ գործադրուած դրութիւնը այս է:

Հ. ԽՕՃԱՍԱՐԵԱՆ ԷՖ.— Առանց փափաքելու զբաղեցնել Ժողովը այսպիսի խնդրով՝ հարկ կը դգամ սակայն կրկնելու վերստին քիչ առաջ ըսածներս, նոյն իսկ Վարչութեան ներկայացուցչին տուած բացատրութիւններէն յետոյ, որոնք ըսածներս կը հաստատեն. Գասպարեան ԷՖ. կ'ըսէ որ եթէ տեղի ունեցած բողոքի մը դէմ՝ ընտրողական Ժողովի մը տուած բացատրութիւնը բաւական համարուի այլեւս քննութիւն չկատարուիր: Ես ճիշտ այս սկզբունքին դէմ է որ կուզեմ խօսիլ, որովհետեւ, ինչ որ չենք ուզեր որ պատահի մեր արտաքին կեանքին մէջ, նոյնը պէտք է գործադրենք մեր ներքին կեանքին մէջ, Վարչութիւնը, ընտրական գործողութեան մը դէմ եղած բողոքները պէտք է լսէ, եւ առանց բողոքողները լսելու չ'կրնար տեղեկագիր բերել հոս, որովհետեւ բողոքին տեղի տուող պատճառները երեւան հանելու համար, բողոքողներու լսուիլը խիստ կարեւոր պարագայ է: Վարչութեան կատարած այս կերպ գործողութիւն մը, Աղաթուրիա ձեւէն անդին չ'անցնիր:

Վ. ՓԱՓԱՋԵԱՆ ԷՖ.— Խօսատարեան ԷՖ. կարծեմ Թիւրքմացութեան մէջ կը գտնուի, եթէ, ամբաստանութիւն ըլլայ, ոչ թէ ընտրողական Ժողովի պատասխանը բաւական կը սեպէ այլ արդարութիւնը գործադրած ըլլալու համար, քննիչներ կը ղրկէ, եւ կըստուգէ իրողութիւնը:

Դուք կը պահանջէք որ ընտրողական Ժողովը չ'լսուի. սակայն, Վարչութիւնը անոր պատասխանը ստանալէն յետոյ բողոքները նկատի կ'առնէ. եւ նոր քննութիւն կը կատարէ եթէ պէտք տեսնայ:

ԱՏԵՆԱՊԵՏ ԷՖ.— Սկզբունքի խընդրոյն համար կարծեմ այսչափ բաւական է, գալով կատարուած ընտրութեանց անոնք Ձեր քուէին կենթարկեմ:

(Ատենապետ ԷՖ. Բերայի եւ Գատըգիւղի ընտրութիւնները Ժողովին վաւերացման ենթարկելով՝ ձեռամբարձ հաւանութեամբ վաւերացան սոյն երկու ընտրութիւններն ալ, եւ Բերայէ երեսփոխան հռչակուեցան Տեառք՝

- Աստուածատուր Խաչատրեան
Արամ Հալաճեան
Արմենակ Բարսեղեան
Գէորգ Թորգոմեան
Գրիգոր Շահլամեան
Յովհաննէս Չէօկիւրեան
Սարգիս Մինասեան
Տօքթ. Վ. Թորգոմեան
Ստեփան Գարայեան
Իսկ Գատըգիւղէն Տեառք՝
Տօքթ. Պէնիէ Թորոսեան
» Մկրտիչ Արգարեան

ԸՆՏՐՈՒԹԻՒՆ ԲԱՂ. ԺՈՂՈՎՈՅ
ԵՐԿՈՒ ԱՆԴԱՄՈՅ

ԱՏԵՆԱՊԵՏ ԷՖ.— Ինչպէս զիտէք, Բաղ. Ժողովոյ տեղեկագրութեան վրայ՝ որոշած եւ օրակարգ անցուցած ենք երկու պակասեալ անդամոց ընտրութիւնը. կը հրաւիրեմ զձեզ, որ հաճիք ձեր քուէները տալ ընտրելի երկու անդամոց համար:

(65 քուէարկուներէն 33ական քուէով Բաղ. Ժողովոյ անդամ ընտրուեցան՝ Տրդատ պէյ Տատեան եւ Գրիգոր ԷՖ. Ադամեան: Ատենապետ ԷՖ. ի դիւանէ հռչակեց կատարուած ընտրութեան արդիւնքը):

ԱՌԱՋԱՐԿՈՒԹԻՒՆ ԵՐԵՍՓՈՒՄԱՆԱՅ

ԱՏԵՆ. ԷՖ.— Տնտեսեան ԷՖ. առաջարկուիւն մը ունի ձեր ուշադրութեան կը յանձնեմ:

(Ատենադպիր էֆ. Կարդայ հետեւեալ գիրը).

Ազնուաշուք Ատենապետ էֆէնտի
Պատկ. Ազգ. Երեսփ. Ժողովոյ

Գոհունակութեամբ տեսայ երեքշաբթի
խորհրդակցական ժողովին մէջ թէ ներ-
կայք համակարծիք էին ներքին կանոնա-
գրին անողք գործադրութիւնը նկատելու
իր մեծ սատար մը Պատկ. Ժողովիդ աշ-
խատութեանց արդիւնաւորման: Այդ միա-
համուռ փափաքէն թելադրուելով կը փու-
թամ ներկայացնել յետագայ առաջարկ-
ներն:

Ա.— Ներքին կանոնագիրն տպել տա-
լով, բաժնել երեսփոխանաց: Այսօր շատ
գծուար խնդիր մ'է ի ձեռին ունենալ այդ
կանոնագրին բնագիրն, որով ներկայ երես-
փոխանաց մեծամասնութիւնը զիտակ չէ
անոր տրամադրութեանց եւ այդ անդի-
տակցութիւնը տեղի կուտայ թերու-
թեանց եւ գիտողութեանց:

Բ.— Ամէն երեսփոխանէ պահանջել որ
յառենի ժողովոյդ ուխտէ եւ խոստանայ
յարգելու Ազգ. Սահմանադրութիւնը եւ
հպատակելու ներքին կանոնագրին արա-
մադրութեանց:

Յուսալով որ Պատկ. Ժողովդ պիտի
հաճի նկատողութեան առնել սոյն առա-
ջարկներս եւ ստիպողականութիւն տալ
անոնց, կը մատուցանեմ խորին յարգա-
նացս հաւատարմօք:

Իզմիրի երեսփոխան
Լ. Ն. ՏՆՏԵՍԵԱՆ

Լ. ՏՆՏԵՍԵԱՆ էֆ.— Կը տեսնամ որ
շատ ժամանակ, կանոնական մանրամաս-
նութեանց համար խնդիրներ կը ծագին,
եւ ժողովը երկարատեւ կը զոհէ անոնց,
որովհետեւ շատերը անտեղեակ են կարգ
մը ներքին կանոններէ, ուստի պէտք
կ'զգամ առաջարկելու որ, մեր ներքին
կանոնագրութիւնը նորէն տպագրելով,
ցրուենք երեսփոխանաց:

Պ. ՓԱՓԱՋԵԱՆ էֆ.— Ներքին կանո-
նագրութիւնը մինչեւ հիմա չի տպագրուե-
ցաւ: այն պատճառով որ նոր ներքին կա-

նոնագիր մը պատրաստելու համար ձեռ-
նարկ եղած էր, եւ ժամանակ մը աշխա-
տելէ յետոյ գործը կէս մնաց. արդ, ես
անհրաժեշտ կը նկատեմ որ այդ աշխա-
տութիւնը ամբողջանայ, եւ նոր ներքին
կանոնագրութիւն մը ունենանք աւելի
համապատասխան մեր պէտքերուն:

ԱՏԵՆԱՊԵՏ էֆ.— Նոր ներքին կանո-
նագրութիւն մ'ունենալու պէտքը հարկա-
չենք կրնար ժխտել, բայց այժմ գործա-
դրուած կանոններն ալ գիտնալու պէտք
ունինք. ուստի, այժմ գործադրութեան
մէջ եղող ներքին կանոնագիրը պէտք է
որ անպատճառ տպուի եւ ցրուի երես-
փոխանաց:

Վ ՕՐԱԿԱՐԳ Բ.

(Ատենապետ Յ. Պոյաճեան էֆ. ան-
հանգստութեան պատճառով տեսնապե-
տութեան աթոռը թողուց Պարգեւ էֆ.
Փափազեանի որ առժամապէս վարեց այս
պաշտօնը):

ԱՏԵՆԱՊԵՏ էֆ.— Գիտէք արդէն որ
անցեալ նիստին ժողովս ընդունեց երու-
սադիմայ կանոնագրին ամբողջական քն-
նութիւնը կատարել, Վարչութեան ներ-
կայացուցած երեք յօդուածներուն նախա-
պատուութիւն տալով. արդ, 4րդ յօդուա-
ծէն սկսելով՝ պիտի վիճարանինք Յօդ
եւ Յօդ յօդուածներուն վրայ. պիտի
խնդրեմ որ թեր ու դէմ խօսուածները
երկար չըլլան, որպէսզի կարելի ըլլայ եզ-
րակացութեան մը հասնիլ:

Տ. ՀՄԱՅԵԱԿ ՍՐՔԵՊՍ.— Ես ամբողջ
կերպով միտքս պիտի բացատրեմ, այս
4րդ յօդուածի առժամեայ արամադրու-
թիւնը բոլորովին աւելորդ կը նկատեմ.
ասկէ զատ, պէտք է ժառանգաւորաց վար-
ժարանի կարեւորութիւն տանք պէտք
եղած կերպով: Երուսաղէմ միջազգային
վայր մընէ, մեզի հետ ուրիշ ազգեր ալ
կան, որոնք զարգացման տեսակետով աւե-
լի բարձր դիրք մը ունին, ես պիտի ա-
ռաջարկեմ որ ժառանգաւորաց Վարժա-
րանին մէջ իրենց ուսման ընթացքը աւար-

տող միաբաններէ անոնք որ ձեռնհասու-
թիւն ունին, Եւրոպա դրկուին, եւ վերա-
դառնալով աթոռ, անոր մատուորական
վիճակը բարձրացնեն:

Հ. ԽՕՃԱՍՍՐԵԱՆ էֆ.— Ես միջանկ-
եալ գիտողութիւն մը պիտի ընեմ. Զեր
ուշադրութիւնը հրաւիրելով կարեւոր կէ-
տի մը վրայ: Ինչպէս գիտէք, այս կա-
նոնագրին զանազան յօդուածներուն առի-
թով երեսփոխանական մասնաւոր խոր-
հրդակցութիւններ տեղի ունեցան, բայց
հոն կատարուած խորհրդակցութիւնները
որոշում ըլլալու հանգամանքը չունին,
այլ միայն ժողովին աշխատութիւնը զիւ-
րացնելու նպատակով եղած են, հետեւա-
բար, ժողովէն դուրս, մեր գոյացուցած
եղբակացութիւնները պէտք չէ որ կաշ-
կանդեն մեզի այստեղ մեր կարծիքը յայտ-
նելու եւ մեծամասնութեամբ տալու ամէն
որոշում:

ՏՕՔԹ. Խ. ՊՕՂՈՍԵԱՆ էֆ.— Ես
կարծեմ թէ 4րդ յօդուածը շատ լաւ կեր-
պով խմբագրուած է, եւ ժողովականք
համամիտ պէտք է ըլլան մեզի, այս կէ-
տին մէջ. միայն ֆիզիքական առողջու-
թեան քով պէտք է աւելցուի «մտաւո-
րական առողջութիւն» ալ. ասկէ զատ,
Յրդ պայմանով յիշուած առնուազն միջ-
նակարգ կրթութիւնը պարտաւորիչ պէտք
է ընել, որովհետեւ շատ Երուսաղէմ գա-
ցողներէ իմացած եմ որ միաբաններէն
շատերը նախնական ուսումէ ալ զուրկ են:
Այսպիսի մարդիկ անհրաժեշտ է որ դուրս
հանուին վանքէն եւ այլեւս մեր այս նոր
օրէնքին գործադրութիւնը պարտաւորիչ
ըլլայ:

Մ. ՆԱԹԱՆԵԱՆ էֆ.— Անցեալ նիստին
խօսեցայ արդէն, 4րդ յօդուածի առժամեայ
տրամադրութեան ջնջուելու պէտքին
վրայ. այսօր նոյնը կը կրկնեմ, եւ կ'ա-
ռաջարկեմ ջնջել այդ տրամադրութիւնը,
ասկէ վերջ Տօքթ. Պօղոսեան էֆ. յայ-
տարարութեան համաձայն եմ, եւ եթէ
վանքին մէջ կան այնպիսի անձեր որոնք

իրենց գոյութեամբ անպատուաբեր են
այդ հաստատութեան, հակառակ չենք
ըլլար, որ անոնք հեռացուին վանքէն:

Գ. ՏԷՐ-ԿԱՐԱՊԵՏԵԱՆ էֆ.— Ես պա-
կատութիւն մը կը նշմարեմ կանոնագրին
մէջ, երկադրենք թէ 2-3 միաբաններ ան-
կարգապահութեան պատճառով դուրս
պիտի հանուին վանքէն. ինչ ուղղու-
թեան պիտի հետեւինք այսպիսի պարա-
գայի մը մէջ. այս կէտը բոլորովին անո-
րոշ կը մնայ եւ կրնայ դժուարութեանց
պատճառ ըլլալ:

Տ. ՋԱՐՄԱՅՐ ՔԶՆՅ.— Երուսաղէմի
գործոց կանոնաւորութեան համար պէտք
եղածը մարդերն են. ըստ իմ նախապատիւ
պէտք է ըլլան այնպիսի մարդիկ, որոնք
իրենց կատարած գործին գիտակցութիւնը
ունին, մանաւանդ ո եւ է քննադատելի
անցեալ չեն ունեցած. ասկէ զատ, անշուշտ
ուշադրութիւն ընելու պէտք կայ, որպէս
զի ապագային մէջ ալ այդ կարգի քննա-
դատելի անձեր մուտ չունենան:

Հ. ԽՕՃԱՍՍՐԵԱՆ էֆ.— Օրէնքը յե-
տադարձ ազդեցութիւն չունի, հետեւաբար
մենք վաղուան կալմուելիք միաբանու-
թեան համար է որ այս օրէնքը խմբագրած
ենք. տարակոյս չկայ որ ժառանգաւորաց
վարժարանը պիտի բարձրանայ եւ կարող
չըջանաւորաներ պիտի պատրաստէ այս
կերպով, կանոնին միջնակարգ կրթութիւն
ստացած ըլլալու տրամադրութիւնը արդէն
իսկ գործադրուած պիտի ըլլայ. հետեւա-
բար, այս կէտին վրայ վիճարանութիւն
կատարել աւելորդ կը նկատեմ:

Տ. ԵՋՆԻԿ ՎՐԴ. ՊԱՊԱՆԵԱՆ.— Կատար-
ուած վիճարանութիւնը այնպէս կարծեցնել
կուտայ ինձ թէ՛ Երուսաղէմի վրայ խօ-
սողները այդ մասին բան մը չեն գիտեր,
Միաբանութեան մէջ բարկաւազէն սկսե-
լով մինչեւ. Պատրիարքը միջնակարգ
կրթութիւն ունին, չգիտեցած բաներուս
վրայ ինչ պէտք կայ խօսելու. հետեւա-
բար, առանց այլեւս երկարելու, կրնանք
4րդ յօդուածը ամբողջութեամբ ընդունիլ,
ջնջելով առժամեայ տրամադրութիւնը:

Յ. ՇԱՀՐԻԿԵԱՆ ԷՖ.— Տեղի ունեցած խորհրդակցութիւններէն կը հասկցուի որ առանց որոշ կերպով թափանցելու Խորհրդար. Յանձնաժողովոյ մտադրութեան զանազան մեկնութիւններ կը տրուին 4րդ յօդուածի առժամայ տրամադրութեան մասին, եւ կ'առաջարկուի վերցընել Որպէս զի ցոյց տանք թէ ո եւ է յետին մոքով չէ զրուած այդ տրամադրութիւնը, մենք ալ կը համակերպինք որ ջնջուի առժամայ տրամադրութիւնը եւ առաջարկուի վարչութեան որ մէկ երկու յօդուածէ բաղկացած առժամանակեայ տրամադրութիւն մը բերէ, անոնց մասին՝ որոնք օրէնքի գործադրութեան արգելք կ'ըլլան: Խորհրդար. Յանձնաժողովս, այդ առանձին տրամադրութիւնները բերելու պայմանաւ առժամայ յօդուածին ջնջուելուն դէմ ո եւ է առարկութիւն չունի:

ԱՏԵՆԱՊԵՏ ԷՖ.— Քանի որ Յանձնաժողովը վարչութեան կողմէ մէկ քանի յօդուածով առանձին տրամադրութիւններ բերուելու պայմանաւ կը համակերպի 4րդ յօդուածի առժ. տրամադրութեան ջնջման ուրեմն, այդ յօդուածը հետեւեալ ձեւին մէջ ձեր քուէքն կ'ենթարկեմ:

(Ատենադպիր ԷՖ. կարգաց հետեւեալ 4րդ յօդուածը եւ ժողովը քուէքն մեծամասնութեամբ ընդունեց զայն.)

Յօդ. 4.— Միաբանութեան անդամներուն ընտրելութեան պայմաններն են.

Ա. 21 տարիքը լրացուցած:

Բ. Ֆիզիքական առողջութիւնը բժշկական վկայականով հաստատուած:

Գ. Առնուազն միջնակարգ կրթութիւն ստացած:

Դ. Ամբասիր վարքը, ազգ. պաշտօնական մարմնէ մը վկայուած ըլլալ:

ԱՏԵՆԱՊԵՏ ԷՖ.— Հիմա ժողովիդ վաւերացման կ'ենթարկեմ Յօդ. յօդուածը:

Տ. ՀՄԱՅԵԱՆ ՍՐԲԱԶԱՆ.— Այսօր ժողովին մէջ երբեք մի մատակարարութեան վրայ գործադրուելիք հակակշռի

մասին տարբեր կարծիք չկայ, զի առողջութիւնը միայն ձեւին դէմ է, եւ կը տեսնամ որ այս նոր կանոնադրին տրամադրութեամբ բազմաթիւ մարդեր պիտի զրկենք երուսաղէմ, հաշուակալներ, քարտուղարներ, ներկայացուցիչներ, որոնք դուրսէ 500 ական ոսկի ալ ամսական պիտի առնեն, եւ այս կերպով վանքին անձուկ պիտի ձեռնարկէ վրայ 200 ոսկիի ամսական ծախք մը պիտի աւելնայ, ասիկա տարեկան 2400 ոսկի ոյ զոհողութիւն մը բաւէ է. հաւատացողներ կան թէ՛ այս կերպով վանքը պիտի բարեկարգուի, Աստուած տայ, բայց առ այժմ ըլլալիք խոշոր զոհողութիւններն են որ աչքի առջեւ կը ներկայանան: Լաւագոյն մատակարարութեան համար, իմ խորհածս այն է որ վանքին մէջ ձեռնհաս եւ բարի անուն կրող մէկը գտնուի որ անտեսական մասին մէջ ծախքերը չափաւորէ, եւ մատակարարական գործոյ հասար խորհրդատու եւ առաջնորդ ըլլայ: Ուրիշ դիտելի պարագայ մ'ալ կայ, կալուածապետը, մատակարարը, համարակալը պիտի հաստատուին Քաղ. ժողովէն: Երբեք մի 17 դարու գոյութիւն ունեցող վանք մըն է, հետեւաբար բնաւ բանաւոր չէ որ անոր համար ընտրուելիք պաշտօնեաները միմիայն աշխարհականաց քուէովը ընտրուին, հետեւաբար կ'առաջարկեմ որ փոխանակ Քաղ. ժողովոյ՝ Խառն ժողովոյ ըսուի նոյն յօդուածին մէջ:

ՅԱԿՈԲ ԱԻԵՏԻՍԵԱՆ ԷՖ.— Կը տեսնամ որ ժողովին մէջ մտաւախութիւն մը կը տիրէ, թէ՛ չ'պիտի կրնան ընտրուիլ կարող մարդեր, այս պարագան ինծի կը թելադրէ որ, երբ հակակշռի մարմինն գոյութիւնը կ'ընդունինք, միեւնոյն ժամանակ քուէարկուին նաեւ այնպիսի նշապատակայարմար յօդուածներ, որոնք մեր կատարելիք հակակշռին աւելի ուժ տան:

ՏՕՔԹ. Ս. ԹԵՐԶԵԱՆ ԷՖ.— Երբեք մի վանքին մատակարարութեան վե-

րաբերեալ այն երկու յօդուածները որոնց քուէարկութեան առաջնութիւն տուինք, կը պարտաւորեն մեզի անդրադառնալու այն հիմնական սկզբունքներուն որոնք քուէարկուեցան ասկէ առաջ, նախ եւ առաջ Յօդ. յօդուածը նկատողութեան առնելով, կը տեսնենք որ անոր մէջ նշանակեալ պաշտօնեաները միաբան կամ ոչ միաբան ըլլալու մասին ո եւ է յիշատակութիւն չկայ, եթէ հիմնական երեք յօդուածներուն ընդունուած ըլլալուն ակնարկութիւն ըլլայ, կը յիշեցնեմ որ, արդէն երեք ամիս, անցած ըլլալուն համար, ժողովը եթէ ուզէ, կրնայ այդ մասին տուած իր որոշումը ջնջել եւ խորհիլ նոր միջոցի վրայ. դառնալով բուն խնդրոյն ՅՁ եւ ՅԵրդ յօդուածներու տրամադրութեան պիտի կազմենք մարմին մը, որուն պաշտօնին զօրութեամբ, երբեք մի մէջ, ո'չ միաբանական եւ ո'չ ալ եկեղեցական հանգամանք կը մնայ եւ վանքին տնտեսական եւ կլմական խնդիրներով եկեղեցականները այլեւս զբաղելու իրաւունք չեն ունենար: Երբեք մի դարաւոր գոյութիւն ունեցող հողեւոր հաստատութիւն մընէ եւ իր ներքին մատակարարութիւնը, այս կերպով իրմէն առնելու իրաւունք չեմ տեսնար եւ, որովհետեւ սահմանադրութեան ալ, մեզի տուած իրաւունքը նոյն իսկ պարզ վանքերու համար, վերին հսկողութեան իրաւունքն է մինչդեռ մենք ուղղակի մանրամասնութեանց մէջ է որ կը մտնենք: Եթէ սկիզբէն այս վերին հսկողութեան իրաւունքը գործադրուած ըլլար ոչ այդ ծայրայեղ մակումները տեղի կ'ունենային եւ ո'չ ալ այն զեղծումները կը պատահէին, որոնք տանեակ տարիներէ ի վեր կը զբաղեցնեն ազգը. ուրեմն այս ամէնը տեղի ունեցան այն պատճառաւ որ կեդրոնը իր պարտականութիւնը չէ կատարել ժամանակին. ուստի, այս պարագան իրաւունք չտար մեզի երբեք մի կանոնադրին մէջ այս փոփոխութիւնները ի գործ դնելու, այս

տեսակէտով, եւ պէտք կը տեսնամ գործադրել կէտ առ կէտ, սահմանադրական տրամադրութիւնները, որպէս զի թէ՛ օրէնքը բարձր բոնած ըլլանք եւ թէ՛ կանոնադրի մէջ մեր մտցուցած փոփոխութիւնները վնաս առաջ չբերեն, ու միեւնոյն առեւ երբեք մի խնդիրը գոյութիւն ունենալէ դադրի. մենք Յանձնաժողով մը կազմեցինք, որ բարեփոխալ ծրագիր մը բերաւ մեզի, եւ այն համագումր ունիմ որ այդ ծրագրին մասնաւորապէս քանի մը յօդուածները կը հակասեն Սահմանադրութեան. անտեսական մարմինն տեղ պէտք կը տեսնամ որ մեր հակակշռի իրաւունքը գործադրենք:

Յ. ՇԱՀՐԻԿԵԱՆ ԷՖ.— Դիւանը իրաւունք չունէր այս կերպ վիճաբանութեան թոյլտուութիւն ընելու, քանի որ սկզբունքը վէճի առարկայ չէ, ու խնդիրը կը կայանայ յօդուածի բովանդակութեան վրայ: Այս Տնտես. Մարմինոյն՝ միաբանութեան ընտրուելու չընտրուելու խօսք չկայ, այլ միաբանութիւնը անտեսական մատակարարական գործի մէջ չխառնելու խնդիր կայ. քանի որ այսօրուան դառնագոյն վիճակին պատասխանատուն իրենք են, եւ դոյացած 40,000 ոսկի պարտքը, անտեսական յոռի մատակարարութեան արդիւնք է. օրէնքին տրամադրութիւնը այն է որ անտեսական մատակարարութիւնը բաժնուի հոգեւորական գործերէն: Օրէնքին մէջ աշխարհական եկեղեցականի խօսք չկայ եւ այդ մասին օրինական տրամադրութիւն ալ չկայ, այլ թէ՛ որ կարգի պաշտօնեայք ինչ պաշտօններով պիտի զբաղուին, օրինակի համար, համարակալը կամ կալուածապետը անհրաժեշտ է թէ ոչ, այս կէտերն են որ խորհրդակցութեամբ պիտի որոշուին այս տեղ. հետեւաբար, պիտի խնդրէ որ ազատելու համար ժողովս անօգուտ վէճերէ, առիթ չտրուէր խնդրէն դուրս վիճաբանութիւններու:

Հ. ԽՕՃԱՍՍՐԵԱՆ ԷՖ.— Ես Շահրիկ-եան էֆ. տեսութիւնները ընդունելով հանդերձ, կը փափաքեմ որ բացատրութիւն մը տամ Թէրզեան էֆ.ի, որ կ'ըսէր Թէ երեք ամիս անցնելէն յետոյ կարելի է բեկանել Երուսաղէմի խնդրին համար տրուած որոշումը. ասիկա բացարձակ սխալ մըն է եւ այս տրուած որոշումը այն կարգի որոշումներէն չէ, որովհետեւ եթէ այդպէս ըլլայ, քուէարկուած ուրիշ օրէնք գործադրողին համար 3 ամիս յետոյ միշտ փոփոխելի ըլլալով, եթէ ուղէ կը գործադրէ եթէ չուղէ չգործադրէր: Արդէն միաբանութեան շահը կը պահանջէ քուէարկուելիք այս օրէնքին գործադրութիւնը, քանի որ ասոր մէջ յարգուած են, Տնօրէն Խորհուրդի իրաւասութիւնները, եւ այդ մարմինն է որ պիտո՞ւն պիտի պատրաստէ: Երկրորդ՝ Տօքթ. Թէրզեան էֆ. Վանօրէից Խորհրդոյ իրաւասութեան մասին ալ սխալ ըմբռնում ունի, որովհետեւ, եթէ իր կարծածին պէս ըլլար, սահմանադրական սկզբունքներու հակառակ պիտի ըլլար, որովհետեւ Սահմանադրութիւնը իրաւունք կուտայ Ընդհ. Ժողովոյ ընտրելու Պատրիարքը, եւ հետեւաբար հսկելու անոնց գործունէութեան: Այդ իրաւունքին գործադրութիւնն է որ կը կիրարկէ Ազգ. Ժողովը, եւ զիտելի է որ երբ կեդրոնի իշխանութիւնը վանքին վրայ ունեցած իր հակակշիռ իրաւունքին մէջ Թերացած է՝ այդ պարագային է որ Երուսաղէմի մէջ աւելի անկարգ եւ քննադատելի վիճակ տիրած է: Նոր կանոնադրով միաբանութեան ամենամեծ իրաւունքը տրուած է, որովհետեւ այն է որ պիտո՞ւն պիտի կազմէ, իսկ Ազգ. Ժողովը հսկողի եւ վերահսկողի իրաւունքը պիտի գործադրէ. միակ եթէ բան մը կայ, այն ալ անտեսական մատակարարութեան իրաւունքն է որ առնուած է իրմէ:

ԳՐ. ԷՖ. ԶՕՀՐԱՊ.— Ես շատ պայծառ կերպով չեմ յիշեր Թէ այս կանոնագրի պատրաստութեան առիթ տուող պարագան ինչ է, բայց ինչ որ հասկցայ տալու արաններու խօսքերէն, մատակարարութիւնը

առնուած է միաբանութեան ձեռքէն: Ես սկզբամբ հակառակ չեմ այս մատակարարութիւնը առնուելուն, սա պարզ պատճառով որ ամէն շուրջ մարդու ձեռքէն կ'առնուի ու եւ է մատակարարութիւն մը, ուր կը մնայ ազգին ստացուածքին մատակարարութիւնը: Եթէ միաբանութիւնը ուրիշ զգոնութիւն ունենայ այս կարգադրութենէն, պէտք է յիշէ որ ինք հրաւիրեց այս տնօրինութիւնը իր վրայ. մանաւանդ որ արդէն նոր սեղմում մը գործադրուած չունի, եւ կեդրոնը իրաւունք ունի հակակշիռ կիրարկելու գոնէ որոշ ժամանակի մը մէջ, վերջ տալու համար յոռի մատակարարութեան արգիւնքներուն, բայց որպէս զի բառը չի խրաչեցնէ, կ'առաջարկեմ հակակշիռ մարմինը փոխել Խնամակալութեան:

Յ. ՇԱՀՐԻԿԵԱՆ ԷՖ.— Հակակշիռ մարմին դրուելուն պատճառը այն է որ Երուսաղէմի ընդհանուր մատակարարութեան հակակշիռն է որ ի գործ պիտի դնէ: Տնտեսական եւ ուսումնական մարմիններէն զատ, վերահսկող մարմինը մը պէտքը կայ եւ անոր պաշտօնը աւելի որոշ հասկցուելու համար այս բացատրութիւնը գործածել աւելի նպատակայարմար դատուեցաւ:

Տ. ԶԱՐԲԱՅՐ ՔԶՆՅ.— Քիչ առաջ առաջարկուեցաւ նաեւ որ Խնամակալութիւնը ընտրուի փոխանակ Քաղ. Ժողովէն Խառն Ժողովէն, եւ պէտք կը զգամ անգամ մ'ալ կրկնելու այդ պէտքը, որովհետեւ վանական խնդիրներ կան որոնցմով պիտի զբաղի Խնամակալութիւնը. հետեւաբար անոր ընտրութեան առթիւ Խառն Ժողովոյ հաւանութիւնը կարեւոր է:

Ա. ԱԼՊՈՅԱՃԵԱՆ ԷՖ.— Արդէն Սահմանադրութեան մէջ Վանօրէից եւ Դատաստանական Խորհրդոյ կազմութիւնը Խառն Ժողովոյ տրուած է իրենց պաշտօնին ընտրութեան համար. եւ կ'առաջարկեմ չչեղիլ Սահմանադրութենէն, եւ այս Խնամակալութեան կազմութիւնն ալ թողուլ Խառն Ժողովին:

ԱՏԵՆԱՊԵՏ ԷՖ.— Խնամակալութեան կազմութիւնը Խառն Ժողովէն կատարելու առաջարկը քուէի կը դնեմ, որոնք որ կ'ընդունին ձեռամբարձ յայտնեն իրենց հաւանութիւնը:

(Քուէարկութիւն կատարուելով Ժողովը 14ի դէմ 25 քուէով որոշեց Խառն Ժողովէն կատարել սոյն ընտրութիւնը:)

ԱՏԵՆ. ԷՖ.— Ուրեմն 32րդ յօդուածը ընդունուած է հետեւեալ ձեւով.

Յօդ. 32.— Ս. Յակոբեանց վանքի ու անոր ենթակայ Ս. Տեղեաց եւ հիմնարկութեանց յատուկ տնտեսական մարմինը կը կազմուի.

1. Կաշուածապէսէ
2. Մասակարարի
3. Հաւատալիքի.

Որոնք կ'ընտրուին Ազգ. Կեդր. Վարչութիւնէն կարգուած Երուսաղէմի յատուկ Խնամակալութեան կողմէ եւ կը հաստատուին Կեդր. Վարչութեան Խառն Ժողովէն:

Յ. ՇԱՀՐԻԿԵԱՆ ԷՖ.— Ժողովի այս քուէարկութենէն յետոյ՝ զարձեալ պէտք կը զգամ բացատրութիւն մը տալու, մեր տեսակէտը այս կանոնագրի պատրաստութեան առթիւ եղած է վանքին նիւթական ստացուածոց անկորուստ պահպանութիւնը, օրինակի համար, Գանձարանը ուրիշ աշխարհական չմտնար ըստ վաղեմի սովորութեան բացի լուսարարապետէն: Միաբան շրջանի մը մէջ կը կարծուէր Թէ Գանձարանը իր էութեան մէջ պէտք է պահուած լայ, բայց կարելի չէ հաւատալ Թէ չորուստ մնացած են վանքին տալ Թէ չորուստ մնացած են վանքին նիւթական հարստութիւնը, որ պէտք է միլիոններու հասած ըլլայ, ազգը պիտի դիտնայ Թէ ինչ ունի, Թէ գոյքի ցանկ կա՞յ, Թէ աղամանդազարդ զգեստներ եւ անօթներ ինչ արժէքներ կը ներկայացնեն, որպէս զի քարերու փոփոխութեան առջեւ առնուի, այդ Գանձարանը Թանգարան մ'է որուն պահպանութեան իրաւունքը

քը ազգին կը վերաբերի: Թող արարողութիւնները կատարուին ինչ կերպով որ կ'ուղէ տեղւոյն հողեւոր վերին իշխանութիւնը, ահա բոլորը այս է:

Պ. ՓԱՓԱԶԵԱՆ ԷՖ.— Այս մասին համառոտ բացատրութիւն մը տամ, իրեւ պատուիրակ Երուսաղէմ գտնուած ատենս մտած եմ Գանձարանը եւ ցուցակագրութեան մը ձեռնարկուած է, բայց չեմ գիտեր Թէ ինչ եղած է իմ մեկնելէս յետոյ:

Տ. ՀՄԱՅԵԱԿ ԱՐՔԵՊՍԿ.— 60 տարի առաջ ես Երուսաղէմ գտնուած եւ լսած եմ որ Բագրատունեանց, Ռուբինեանց օրերէն մնացած յիշատակներ կան Գանձատան մէջ, որոնք կը պահուին ցարդ. մենք հիմա, Գանձատունը ձեռք պիտի առնենք, արդեօք ասկէ վերջ հսկողներու օրով գոնէ այնքան երկիւղածութեամբ պիտի կրնան պահուիլ հոն գտնուած հնութիւնները:

Տ. ԵՂԵԻԿ ՎՐԴ.— Տնօրէն Ժողովին պաշտօնն է մի միայն Կրօնական գործերը, իսկ Տնտեսական պաշտօնները Թոշակաւ որ անձերու պիտի յանձնուին ըսուած է, եւ բնականաբար, ասոնց պիտի տրուին այնպիսի Թոշակներ որոնց գումարը տարեկան 2000 ոսկիի պիտի յանձնուի. եւ կ'առաջարկեմ որ արձանագրուի, քանի որ, Երուսաղէմի նուիրական անօթներու եւ գոյքերու ցուցակագրութիւնը պարզ չուկայի գործառնութեան մը վերածել չկրնար յարմար դատուիլ:

ԱՏԵՆԱՊԵՏ ԷՖ.— Թեր ու դէմ բաւական կարծիքներ յայտնուեցան, հետեւաբար 36րդ յօդուածն ալ ձեր քուէին կ'ենթարկեմ անոնք որ կրնդունին ձեռամբարձ յայտնեն իրենց հաւանութիւնը:

Ժողովը 3ի դէմ 27 քուէով ընդունեց 36րդ յօդուածը հետեւեալ կերպով.

Յօդ. 36.— Տնտեսական մարմին պաշտօնն է Երուսաղէմի մէջ կամ այլուր Ս. Յակոբեանց վանքի ունեցած կալուածոց

վարչութիւնը, եկամուտներու եւ նուիրատուութեանց գանձումն ու անտեսութիւնը, սնունդի եւ հանդերձեղէնի, վառելիքի եւ լուսավառութեան եւ այլ ծախքերու մատակարարութիւնը, թոշակներու վճարումը, վանական ամբողջ երեւմտաբեր յանձանձումն եւ հաշուակալութիւնը, վերջապէս վանքին բոլոր գոյքերուն եւ հարստութեան պահպանութիւնն ու զարգացումը.

Տնտեսական մարմինը կը մասնակցի նաեւ վանուց Ուսումնական մասի վարչութեան՝ խառն մարմնի մաս կազմելով:

ԱՏԵՆ. ԻՖ.— Այս երեք յօդուածները կը հաղորդենք վարչութեան անմիջապէս գործադրուելու համար, պահանջելով որ Կրդ յօդուածի առժամեայ տրամադրութեան տեղ ժողովին որոշման համաձայն ծրագիր մը բերուի:

(Ատեանը վաղուեցաւ ժամը 6 ին)

Ատենադպիր

Ատենապետ

Հ. Արամեանց

Յ. Պոյանեան

(Գ. Վիճակ)

Գում գարու, Գումգարուի դուրս

69. Դաւիթ Էֆէնտի Տէր-Մովսէսեան
70. Համբարձում » Պոյանեան
71. Սարգիս » Սուրն
72.

Կէտիկ փաշա

73. Հմայեակ Էֆէնտի Արամեանց
74. Յարութիւն » Հանկիւլեան
75. Յակոբ » Աւետիսեան
76. Յակոբ » Նշանեան
77. Ներսէս » Զաքարեան

Սամաթիա Ս. Գեորգ

78. Գրիգոր Էֆէնտի Զօհրապ
79. Լեւոն » Սամսեան
80. Հայկ » Խօնասարեան
81. Պարգև » Փափազեան
82. Լեւոն » Սեղոսեան
83. Ռուբէն » Փափազեան
84:

(Ե. Վիճակ)

Գումգարու-Նուկ-Իմատիէ

85. Երուանդ Էֆէնտի Խորասան
86. Լեւոն » Տէմիրճիպաշեան
87. Ռուբէն » Զարդարեան
88. Ոսկան » Մարտիկեան
89. Կոպեռնիկ » Խաչատուրեան

Թօփ-գարու.

90. Գեորգ Էֆէնտի Սիմէշեան
91. Երուանդ Էֆէնտի Օտեան
92. Նշան Էֆէնտի Գալպեան
93. Տիգրան » Դանուշեան

Սամաթիա Ալմրմէրմէր

94. Պետրոս Էֆէնտի Գալփեան
95. Բարսեղ Էֆէնտի Աւետիսեան
96. Գարեգին » Տէմիրճիպաշեան
97. Յարութիւն » Շահրիկեան
98. Վարդգէս » Սէրէնկիւլեան
99. Յակոբ » Մինասեան

Րումէլի-Ֆիսար, Պոյանց-գիւղ, Եէնի-գիւղ
100. Աբրահամ Էֆէնտի Տէր Յակոբեան

ԳԱՒԱՌԱՅԻՆ ԵՐԵՍՓՈՆԱՆԻՔ

(Ա. Վիճակ)

Եգիպտոս

101. Վահան Էֆէնտի Թէքեան
102. Յակոբ Էֆէնտի Պօնտուքեան
103. Տօքթ. Փաշայեան Էֆէնտի
104. Սողոմոն Էֆէնտի Տէր-Ազարեան
105. Արամ Էֆէնտի Անգոնեան

Կարին

Կիւրին-Մանճրեթ

Մուշ

106. Գեղամ Էֆէնտի Տէր-Կարապետեան
2մշկաձագ-Չարսանձագ

107.

Տրապիզոն

108. Օննիկ Էֆէնտի Զիֆթէ-Սարաֆ

(Բ. Վիճակ)

Աղթամար

109. Ա. Վուսմեան Էֆէնտի

Բալու.

110. Գամէր Էֆէնտի Շիրինեան

Եօզղատ

111. Աւետիս Էֆէնտի Ճինվիզեան

Կեսարիա

112. Վահան Էֆէնտի Էստեան

Հալէպ-Այնթապ

113. Սարգիս Էֆէնտի Գնահեան

Նիկոմիդիա

114.

Պաղատա

115. Տօքթ. Ներսէս Էֆէնտի Թիւլեան

Սղերդ

116. Սերովբէ Էֆէնտի Նորատունկեան

(Գ. Վիճակ)

Ալին

117. Ատովմ Էֆէնտի Երեցեան

Արաբկիր

118. Արթուրի Էֆէնտի Սարափեան

Եղեսիա

119. Սեպուհ պէյ Իւթիւսեան

Զգմիւռնիա

120. Լեւոն Էֆէնտի Տնտեսեան

Հաճըն

121. Տէվլէմ Էֆէնտի Տատրեան

Մալաթիա

122.

Պանտրմա-Պալքէսիր

123. Տիւրան Էֆէնտի Երկանեան

Վան

124.

(Դ. Վիճակ)

Ադրիանուպոլիս

125.

Ատանա

126. Արիստակէս Էֆէնտի Գասպարեան

Բաղէշ

127. Աղեքսանդր Էֆէնտի Փանոսեան

Կուտինա—Աֆիօն-Գարա-Ֆիսար

128. Զարեհ Էֆէնտի Խօրասանեան



Պրուսա	Գաղատիա
129. Գասպար էֆենտի Նեմցե	135. Տր. Խաչիկ էֆենտի Պողոսեան
Ռօտոսթօ	Գոնեա
130. Միհրդատ էֆենտի Հալկազն	136. Բարթող էֆենտի Զօրեան
Տիգրանակերտ	Երզնկա
131. Տիգրան էֆենտի Նազաշեան	137. Գաբրիել էֆենտի Նորատունկեան
Տիվրիկ	Մարաշ-Ջէյթուն
132.	138. Սմբատ էֆենտի Բիւրատ
(Ե. Վիճակ)	Շապին-Գարահիսար
Ամասիա-Մարգրուան	139. Ժագ էֆենտի Սալապալեան
193. Տիգրան էֆենտի Մարտիկեան	Սերաստիա
Բարերդ	140. Տօրթ. Նազարեթ էֆենտի Տաղաւարեան
194. Յարութիւն էֆենտի Դարբինեան	

Մ Ա Յ Ր Դ Ի Ի Ա Ն

ԱԶԳԱՅԻՆ ԸՆԴՀԱՆՈՒՐ ԺՈՂՈՎՈՅ

Ա. Ատենապետ	Գաբրիել էֆ. Նորատունկեան	Ա. Ասենադպիր	Հմայեակ էֆ. Արամեան
Բ. »	Տր. Տաղաւարեան էֆենտի	Բ. »	Երուանդ էֆ. Պէյազեան
Գ. »	Պարգեւ էֆ. Փափազեան	Գ. »	Աղեքսանդր էֆ. Փանոսեան

Ն Ա Խ Ա Ք Ն Ն Ի Զ Դ Ի Ի Ա Ն Ք

ԶԵՌՆՀԱՍՈՒԹԵԱՆ ԴԻԻԱՆ

Ա. Տ. Հմայեակ Արքեպս. Գիմաքսեան
Բ. Արամ էֆենտի Հալաճեան
Գ. Արշակ էֆենտի Ալպոյաճեան

ԴԱՍՏԻԱՐԱԿՈՒԹԵԱՆ ԴԻԻԱՆ

Ա. Աստուածատուր էֆենտի Խաչատրեան
Բ. Մարկոս էֆենտի Նաթանեան
Գ. Հրանտ էֆենտի Ասատուր

ԿԱԼՈՒԱԾՈՑ ԴԻԻԱՆ

Ա. Պենոն էֆենտի Տէլիբմէնճեան
Բ. Վահան էֆենտի Էսաեան
Գ. Թորգոմ էֆենտի Պոյաճեան

ՀԱՄԱՐԱԿԱԼՈՒԹԵԱՆ ԴԻԻԱՆ

Ա. Եղուարդ էֆենտի Շիրինեան
Բ. Խաչիկ էֆենտի Սրվաճեան
Գ. Լեւոն էֆենտի Տնտեսեան

ՅԱՐԱԲԵՐԱԿԱՆ ԴԻԻԱՆ

Ա. Յարութիւն էֆենտի Մոստիջեան
Բ. Բարսեղ էֆենտի Աւետիսեան
Գ. Նշան էֆենտի Գալպաճեան

ԻՐԱԽԱՍՈՒԹԵԱՆ ԴԻԻԱՆ

Ա. Տ. Մաղաքիա Արքեպս. Օրմանեան
Բ. Գարեգին էֆենտի Տէմիրձիպաշեան
Գ.

ՆԱԽԱԶԵՌՆՈՒԹԵԱՆ ԴԻԻԱՆ

Ա. Դաւիթ էֆենտի Տէի-Մովսէսեան
Բ. Հայկիկ էֆենտի Խօճապարեան
Գ. Յարութիւն էֆենտի Շահրիկեան

ԽՄԲԱԳՐՈՒԹԵԱՆ ԴԻԻԱՆ

Ա. Բարթող էֆենտի Զօրեան
Բ. Վահան էֆենտի Թէքեան
Գ. Ռուբէն էֆենտի Զարուարեան

ԵԼԵԻՄՏԻՑ ՅԱՆԶՆԱԽՈՒՄԲ

Գ Ի Ն 1 Ղ Ր Ո Ւ Շ

Սեփականութիւն Ազգ. Անուկին, Ազգ. Ժողովոյ ծախուց յաւկացեալ

Կը ծախուի յազգային Խորհրդարան Ղալաքիոյ